

五邊典則

顧廷龍署



五邊典則

明倫彙編
家範典
卷一百一十五

乙亥柘林開洋賊遭風壞三舟餘賊三百有
奇自蔡廟港登岸流至華亭縣陶宅鎮據之
蘇松巡撫曹邦輔檄僉事董邦政把總婁宇
以沙兵擊澣墅關寇殲之初賊自宜興奔蘇
州會柘林賊爲風飄沒者二百餘進據陶宅
港邦輔慮二賊合且爲大患乃親督副使王
古會集各部兵扼其東路四面蹙之賊逃至
五龍橋復至海灣山我兵隨地與競頗有斬
獲太倉衛指揮張大綱被殺兵卒傷亡亦衆

時邦政宇督沙兵守陶宅邦輔計陶宅賊據險且衆未可進兵乃召邦政宇以沙兵助勦一戰斬首十九級賊始懼奔吳舍欲潛走太湖我兵覺之追及于楊林橋盡殪其衆此賊自紹興高埠奔竄不過六十七人流劫杭嚴徽寧太平至犯畱都經行數千里殺戮及戰傷無慮四五千人凡殺一御史一縣丞二指揮二記總入二縣歷八十餘日始滅

九月趙文華大集浙直兵夾攻倭于陶宅賊

分衆迎敵我兵大敗浙江領兵指揮邵昇姚
泓直隸領兵千戶劉勲俱歿時文華以蘇寇
之捷已不得與爲恨見調兵四集謂陶宅寇
乃柘林餘孽可取浙江巡撫胡宗憲因大言
寇不足平以悅其意遂悉簡浙兵精銳四千
人文華宗憲親將之營於松江之磚橋因約
應天巡撫曹邦輔以直隸兵會勦定期浙兵
分三道直兵分四道東西并進賊悉銳衝浙
江兵諸營皆潰我兵擠沈於水及自蹂踐歿

者甚衆損失軍士千餘人直兵亦陷賊伏中
歿者二百餘人由是賊勢益熾

戊申倭船三艘泊台州海洋之繇門備倭都
指揮江沛等引舟師出哨遇于大陳山嶼擒
賊十七人斬首九級餘賊棄舟登山走匿我
兵焚其舟四面環守叅將盧鏜以大兵會之
入山搜勦生擒真倭烏魯美他卽酋首林碧
川等八十四人斬首三十八級由是三舟之
倭盡殄

浙江杭嘉湖兵備副使劉燾督兵五千餘分
三道攻陶宅倭巢倭二百餘來迎敵諸軍望
見皆散走燾與家丁陸本高等二十餘引滿
射之賊不敢逼燾僅以身免

十月陶宅倭見我兵四集夜走周浦屯遠定
寺中我兵遶圍之是時柘林開洋賊舟九隻
復回登岸爲巢于川沙窪

巡撫應天都御史曹邦輔以勦滅蘇州潁墅
關倭寇聞且言連年倭患其來必糾連大衆

多者數千少亦不下數百其登岸劫掠近則
百里至遠不過千里未有以五六十餘之賊
深入內地轉戰數千里直瞰都門無所顧忌
若此者且所過屠戮極具慘烈使不卽殄滅
得以遯歸彼已習知內地虛實將來招引醜
類爲禍殆未可量所據僉事董邦政聞命疾
趨躬履行陳橫犯鯨鯢之衆不旬日而芟刈
之真奇功也請亟加褒錄總督浙直侍郎楊
宣亦報捷如邦輔言復叅邦政雖有斬馘功

然實故違節制當罪督察侍郎趙文華又言
柘林餘賊復巢陶宅臣聞浙江巡撫胡宗憲
督兵四千來松江會勦而應天巡撫曹邦輔
僉事董邦政不協力進兵顧避難趨易僥倖
功捷乞加懲究疏俱下兵部部覆文華所謂
趨易蓋指蘇州之寇而言所謂避難蓋指陶
宅之寇而言竊計二寇多寡雖殊比量聲勢
不宜分難易論若使合而爲一以流劫者之
慄悍濟屯聚者之蕃衆益復滋蔓難圖今蘇

州之寇勦滅無遺陶宅之寇自然勢孤氣沮
驅除爲易第宜令董邦政戴罪自效務將陶
宅之寇亟行殄絕俟事平之後總較功罪然
後賞罰可施也

詔下邦政於總督都御史逮問初文華聞蘇寇
且滅趣赴蘇欲攘其功比至則邦輔已先奏
捷矣文華遂大怒乃以陶宅寇患委罪邦輔
邦政叅之復喉宜排邦政宜心知邦政功而
重失文華意故矛盾若此

丁丑應天巡撫曹邦輔親督水陸兵分五哨
攻倭於周浦賊迎敵四哨俱奔潰弱水疾者
數百人獨中哨以邦輔在焉且阻水得不潰
巡按直隸御史周如斗言蘇松流突之寇已
殄屯聚之寇其勢已孤諸軍宜乘勝併力滅
此餘燼不宜遷延養寇使巢成穀登新倭代
至復致曩者柘林之患且近日直隸斬獲悉
本地鄉兵之功其狼苗之兵自浙江剿敗後
一無足用苗兵前猶有王江涇巢門之捷若

狼兵徒擾地方無纖毫戰守力至於川兵雖
未見可用與否第萬里趨調東西異宜恐亦
未足恃也今起用原任總兵何卿沈希儀以
其知兵令督率川廣調至之兵足展力取效
顧皆昏耗衰憊一籌莫措近日功捷二人絕
無所與將焉用之請罷遣二臣竝停徵兵之
令申飭督撫諸臣督勵鄉勇亟除殘寇
上曰地方殘寇未靖令督撫等官速計勦絕卿
及希儀革職回衛閒住

十一月倭二百餘人犯福建莆田縣鎮海鎮東等衛千戶戴洪高懷德張鑾俱敗歿

吏科給事中孫濟言近見督察侍郎趙文華請罷應天巡撫曹邦輔督總兵俞大猷進剿在九月十一日浙江次日方進則後期之罪不在直隸矧今蘇松民士謂邦輔實心任事稱不容口其前流劫留都之倭又爲邦輔所滅功能了然遽請斥罷文華之意殆不可曉時東南用兵寇勢方熾臣恐有妨大計竊謂

事權歸一則責成專而無彼此牽制之患昔
漢祖任韓信專閫外雖智如張良不使干與
所以能成大功方今江南之事責察司檢稽
而戰守大機當決之總督巡撫兼提督而行
伍專職當責之總兵督撫統大綱而城池倉
庫奉行策應當付之有司不然權分勢軋人
皆掣肘無以自盡其長乞

勅談部申明事權督率不嚴方略不慎罪坐總
督錢糧不敷調遣無法罪坐巡撫軍令委靡

張陣退縮罪坐總兵策應不前四境殘破罪
坐郡縣檢察無實功罪不明或昧機專斷強
人從已以致撓敗罪坐督察

上從其言

倭五十餘人犯浙江平陽縣由大輿登岸殺
協守指揮祁嵩平陽所百戶劉愍又倭八十
餘人犯舟山進屯謝浦叅將盧鏜遣兵禦之
不克指揮閔容歿之

倭犯福建興化府涵頭舖等處平海衛正千

戶丘珍副千戶楊一茂與戰歿之已復犯福
清海口泉州衛指揮童軋震直奔其壘殺十
餘賊亦被害事聞

詔各立祠其地有司春秋祭享襲其子二級

閏十一月周浦寺倭以官兵圍攻日急于初
二日夜悉衆東北奔統領川兵遊擊曹克新
邀擊之斬首一百三十餘賊遂入川沙窪與
巢賊合四川山東諸兵日夕伺擊之賊乃焚
其巢載舟出海總兵俞大猷兵備王崇古合

兵人洋追之及於老鸛嘴斬首一百七十餘
級生擒四十七人衝燬賊巨舟八艘餘賊奔
上海浦東

庚午提督浙福都御史胡宗憲以倭犯溫州
府之平陽遣守備劉隆率兵禦之遇賊于三
港敗績隆及千戶劉綱百戶張澄俱歿

癸酉川兵遊擊曹克新擊倭于嘉定之高橋
斬首二百八級鏖戰自辰及未酉陽兵先潰
諸軍遂敗越二日克新復督蜀中土漢兵分